

嵩山文集

齊山文集

文集卷第十三


嵩山景迂生晁說之字以道

儒言

聞色亦麗乎目君子必惡焉者不欲病乎正而失所傳也作儒言 玄默執徐仲秋己丑

春秋

儒者必本諸六藝而六藝之志在春秋苟舍春秋以論六藝亦以末矣紛然雜於釋老申韓而不知其弊者實不學春秋之過也



智仁理性

窮理乃能盡性至命今學者未乎窮理而必贅之以仁智何邪且仁不能窮理而智於盡性有不足耶大凡析體而辨則失之鑿習而為穿窬之小人體而不析則不失故常不害其為溫厚之君子可不御今上名哉

大神

易以大人聖人為一位而不達孟子荅問之言者以大人未至於聖神之聖神文武為一已而

為莊子荒唐之言所惑則復自有神人橫渠先生亦云聖不可知為神莊生繆妄又謂有神人焉

皇帝志

皇道帝德出於尚書中候緯書也嘉祐學者未嘗道也孔子定書斷自二帝尚復皇之貴哉武陵先生曰六經無皇道劉道原亦云然

之害限又勝物

克己之言嘗聞之矣勝物之言昔未之聞也苟

志以勝物則枯木朽株皆吾之仇也其為有位之害則又大矣君子懼為

忘

莊生毀棄禮義不知物我之所當然者廼始語忘儒者非所宜言也禮安義適賓主百拜不知其勞寧論忘不忘耶

有無

橫渠先生曰易不言有無言有無諸子之陋也說之謂以老氏有無論易者自王弼始

詩

詩不知禮義之所止而區區稱法度之言真失之愚也哉言孰非法度何獨在詩

且

君子於患難猶不苟免他復苟且云乎哉今喜以且為言是非可否不得所安自墮於小人之偷而愧夫君子之篤敬

可

君子必可所以脩辭

今上御名行汲汲於敬也小人

僅可而偷諛苟且無所不至焉今學者說可曰
僅辭也安知君子行止淹速唯可之從耶孔安
國謂子桑伯子能簡故可

或曰有戶則斤之矣是惡夫有所者本諸莊老
而云爾也吾儒者居其所而遷唯患無所彼豈
不戾哉蓋放之四海而準孰非吾所尚誰戕我
也邪彼以不善為善之類皆學莊老之過云

言淳

儒者之言無難易斯可行也著為事業傳之後
世苟得吾言者其行與吾均也莊老之徒則不
然其言甚大而聽之溺人而易悅如無為之
不治之之類若何而行也哉君子御上諸

蘇軾言天人

言天人之相與莫如詩書治亂興亡之際若分
其所立之道則存乎易之陰陽仁義而吉凶則
一致也或以某句為天道而人不預焉復以某
句為人道而不及乎天人始分矣是出言雖

嵩山集 卷一
可若會之於心而自試焉則誣矣哉

高明中庸

吾儒之道所以異乎諸子者為其極高明而道
中庸為一物也譬如日正中而萬物融和未嘗
搞物作沴也或者旣以一事極高明又正以一
事道中庸不亦戾乎是剛柔緩急相濟之常理
何必是之去哉廣大精微之類亦然
道德以同俗司徒之至教也所謂一道德者

乃上之風而以之同下俗者也如表影響之相
從焉或者旣一道德矣又思同風俗將以刑戮
勝姦而上勞下悴矣弊將柰何是齊八政以防
淫者亦二術邪

俗學

學者同尊孔氏法詩書躬仁義不知俗學之目
何自而得哉建隆以來禮樂文明煥然大備皆
諸儒之力也誰當其目也耶如惡其衆而欲致
獨則比屋可封之民為罪人歟又或厭其久而

新之則日月之出特久矣後漢治古學貴文章以章句之徒為俗儒則斥俗學者身自謂邪

漢儒

典籍之存詁訓之傳皆漢儒之力漢儒於學者何負而例賤之歟後生死不知漢儒姓名有書幾種而惡斥如讐漢儒真不幸哉昔人歎廢興由於好惡盛衰繫之辯訥良有以也

公議

凡變律亂常則不當乎人心雖百人之譽不足

以勝一人之毀也蓋彼不待高識博達之士乃
知其非雖塗人故自有白黑矣前譽之者一時
之偽而此毀之者實天下之公也昔公孫祿斥
王莽國師秀顛倒五經毀師法令學士疑宜誅
以慰天下僕景陳梁武帝十失之一曰敷演六
經排擯前儒王莽之法也當彼時猶有是言則
公議不可泯云彼乘勢怙力以肆說者果誰欺
哉

公曰徐的

溫公曰經猶的也一人射之不若衆人射之其中者多也嗚呼此公天下之言待天下忠且敬也顧肯甲已而屈人必人之同己哉彼排擯前儒顛倒五經者亦宜媿諸

盲

公羊曰美惡不嫌同辭董仲舒曰辭不能及皆在於盲非精心達思其孰能知之見盲者不任辭不任辭然後適道矣蓋古之學者見盲今之學者任辭君子小人之儒自是而分也毛公薤

天傳曰家室猶室家也任辭者笑之其如見旨
者何

同異

董仲舒曰詩無達詁易無達吉春秋無達辭范
甯曰經同而傳異者甚衆此吾徒所以不及古
人也嗚呼古之人善學如此今一字詁訓嚴不
可易一說所及詩書無辨若五經同意三代同
時何其固邪

朱張

朱學士霖為張安道陳三傳是非甚辯安道曰
彼自三家何與君事君子謂朱之力學不及樂
全之達識後生復有如樂全之才器者顧肯疲
於文字之細而憤詆以排擯前儒哉

三弊

先儒謂近代有茭角反對互從等翻競之說馳
騁煩言以紊彛叙詭譎成俗而不知變此學者
之弊也蓋此三弊尤驗於今日不顧其本而特
出一句以濟私欲而因衆論者謂之茭角以此

所言責彼所不言覩馬以童牛想龍以足蛇謂
之反對駢贅四出自聲傳谷蕞響從響求應謂
之互從說平頌其興積不問欲否而槩與之以
尊其政事者芟角也以箕子之五事同堯之聰
明文思聰明文思乃復異乎欽明文思反對也
窮理盡性必待乎智仁鳶飛魚躍有假於風氣
互從也彼方自謂繼聖絕俗之獨智作新一代
不知古人久已斥其弊云

三論